



## -Wo kpö =bhlëzë

'Wuntaə bə 'sëedhə =nε  
-më -kë 'ö =bεen ü -de -wo 'gü i ?  
-Më -kë 'ö 'wo- =bεen- =Dan -wo  
'sloo 'gü i ?

-Më -kë 'ö yaa =bεen- 'kwi -wo  
-nu, =glee'- -wo -nu, 'Lüma -wo -nu  
-an gbe 'gü i ?

-Wo =vava -nu 'ö 'kwa -an 'tə pō  
bhë, -wo -an -də 'kpongtaadhə  
-todhösü 'gü, -an -bha -kë =bhlëzë  
-sü bhë, -wo -zən 'kpongtaame  
'kpekpe wō 'dhiö -sü 'ka.

-Yö -dhə -ma -kun 'pō kö 'kwa-  
-zən =nε kwa 'kpo -wo 'ö =Danwo  
'ka bhë, -yö 'bhee-, 'yö- -bha kö -a  
-bha -kë =bhlëzë -sü bhë 'kwa-  
-zən me -nu dhë =nε -kə 'ö -wo me  
'wo to 'kwa -an -bha 'wun ma -a 'ka  
bhë -a 'dhö.

-Wo -nu 'ö -Zlan -ya -da  
'kongtaa bhë, -a 'bhaa gbe 'yaa

## 'Sëedhə =nε -a =bεen -sü -gen təo -më -ε?

=bhlëzë -yaan zië ö 'bha -ta. Pē 'yi-  
-dhə ka -gə 'ö təo kö me 'ö -dhö -yö  
ö -de -wo 'sü -së =nε -kə 'ö -wo me  
'wo to 'wo- 'ka -a 'dhö. -A -wun 'gü  
-yö -dhə -ma -kun kö ü -de -wo bhë  
'ü- =daan'-.

-A -wun 'gü, yi -bha me -nu  
-wun 'gbeezë, 'wuntaə bə 'sëedhə  
=nε yi- -bho gəu 'dhö kö pē 'ö-  
-wun to kwa -gə bhë, -ya -ta pa ;  
'iin 'zü kö 'wun -nu 'wo kë -na  
kwa -bha =daanwo pō 'pian -ta oo,  
Kətivəa -se 'gü oo, 'iin  
'kpongtaadhə 'kpekpe 'gü kö =kun  
'kwa dho -ya kwa tii -bha -a -wun  
'gü.

=Ya 'gomü, -yö -së kö 'ü- kë =nε  
goən- 'wo- 'tə kpo Samali mi kewun  
-sëezë 'ka bhë -a 'dhö. Goən- 'ö bhë  
-yö -kpēn me do -bha ziandhö kö  
kēpēyaame -nu =waa- -gi, -yö

waannu -sü 'ka -kpinnng 'dhiö. 'Yö-  
sü 'yö dhoë 'wo- 'dhə -kë 'yö -kë  
'pönöpönö. =Ya kë -be Samali mi  
=nε yaa nu me 'wo- -gi bhë -a -dhë  
-be -më 'ö dhoë -kë -o? Goən- 'ö  
bhë, -yö -dhö -ga zian -ta 'kpaan  
'waawa.

-A -gen təo 'ö =ya kë ne ü 'ka ü  
-de -wo =bhlë -ya -a -bha, 'töng  
'bhaa -dhö də 'ö =dhöng 'ö go 'se  
-ta.

=Ya 'go mu, me 'ü ü -dewo  
=bεen' -dhə də, ü -məa 'ü də ü  
-yayəo -gban -gə. -Bhö kë =nε  
Samali mi 'dhö, 'ü nu -a -dhë. =Ya  
kë =nε 'wun 'bhaa -yö ü -gə kö  
'üen- =blee'- yi -dhë, yi -bha dresü  
'ö =nε :

08 B.P 857 Abidjan 08



## L'orthographe DAN Blowo

Voici ce que nous pouvons prendre pour savoir lire et écrire en langue Dan.

Les consonnes et les voyelles que vous ne voyez pas ici sont les mêmes qu'en français.

### Attention:

1. c, h, j, qu et x n'existent pas en dan.

2. r ne se trouve jamais au début d'un mot.

Voici le reste de l'alphabet :

Lettres Exemple Traduction

Aa 'kaa gale

An 'gan tirer

Aan =saan' cadeau

ao kao perdrix

aən daən araignée

bh -bho cabris

dh dhe mère

é dë père

ε	'pε	déchirer	ö	pö	dire
ee	=dəε	aujourd'hui	öö	=töö'	panier
	=sεe'	natte	u	'su	lune
ən	-gen	pied	un	bun	corps
əən	=gbeen	long	uun	'yuun	asticot
'e	'pē	credit	ü	'gü	intérieur
əə	'kao	daba	üü	=glüü'-	frotter
ëen	=kléen	entourer	üö	'güö	brûler
ea	'kpea	sec	öü	=bhöü'-	tarir
ean	gean	scorpion			
gw	-gwö	caillou			
in	'bin	fleur, image			
iin	'iin	ou			
ee	'gbee-	fort			
kw	=kwa-	main gauche			
ng <sup>1</sup>	gbeng	nuit			
oo	'too	sauce			
ə	-dhə	amour			
əə	=wəə-	singe			
ən	'yən	huile			
əən	=səən	comportement			
-Wo 'dho -kə ( Les tons )					
1	'lü	ton Haut	arbre		
2	dë	moyen	père		
3	=zə	bas	termite		
4	-tə	Tombant	Poule		
5	lan-	moyen + tombant	Soleil		
6	'Zlaa-	haut-tombant	→Petit frère		
7	=glaa-	Bas-tombant	→Palmier		
8	=laa'	Bas-moyen	→panthère		
9	=See'-	Bas- moyen-tombant	: orange		

## Kwa -bha =Dan -se 'gü -wun

Kwa -bha =Daən -se 'gü, 'su -nu 'iin -dhækpaɔyi -nu 'wo 'dhəəgo 'gü -an 'tə -gen -yö -dhö dodo 'ka 'töüdhö-dhəbo. -Yö -dhe -makun kö 'ka- də kö -yaan kē ka -bha yuö =kēa' -pē 'ka. =Ya kē 'kwi 'puu -wo 'gü, yuökē dhækpaɔyi -bləezé 'ö təo Lëngdi (Lundi), -a me yö -a 'piö 'ö təo Maadi (mardi) -a 'bhaa yöö 'piö 'ö təo Meeklödi (mercredi), -a -bha yöö-


### 'su -nu, -dhækpaɔyi -nu -an 'tə waa wo -gen -nu

'piö təo ziödi (Jeudi) -a me yö mü təo Vandlödi 'ö me yöe- 'piö 'wo- -dhe Samödi. 'Dhəəgo -dhækpaɔyi -kaanta 'ö təo Demasü. 'Kee -ya kē kwa 'kpə -wo 'gü -an 'tə -bhüö -nu 'wo =ne : Tənyi, ten =zian' do, 'dhəə -də ziën, 'Daan 'dhəəyi, Maa 'dhəəyi, 'seyi, =glooysi.

-Kwe 'su -bha bhë, -a züdədhe giagia 'ö təo 'su 'ö 'kwi -nu wa -dhe 'maasü bhë, 'ö -dhiöto -a

'su me 'wo- -dhe Feevlie bhë -a 'gü. 'Kee -Zlanwo 'iin 'zü Yesu -wun dhewungiam -nu -wun 'gü 'ö -kwi zü -yö də Zanvie -ta 'ö 'dhiö to desamblé -ta. =Ya kē 'dhö kö =daənpöme -nu kwa -bha 'su 'tə -nu 'wo =ne : -Kwe -ya -lo, 'zəzə, -Zakayabha, 'keə -a -gen giagia- 'ö təo =Zaa' =klaa- =ya bhə, =Zaa bho =glööbə, bhii, kö =zaə' 'dhe =dëüdëü -ya -mə -a tuö.

Duö 'ö təo 'su 'səədhu -naa, 'ö kplø -yö yö -a 'piö, 'ö kplotəi -yö yömü. Dhayı 'sü -bləezé 'yö bhë, 'ö 'kwi -ya -dhe zue-, Utö (Aout) 'ö 'kwa- -dhe -Dədhe, kö me =ya ö -dədhe 'kun ke- -yuö -nu 'gü. Setamblé (sept) 'ö təo -wəə, Əktəblé 'ö təo -Wlaa, dha vava ban 'töng 'yö bhë, Novamblé (Nov) 'ö təo 'Dhue, Desamblé 'ö təo 'Né 'səen -nu -bha -blëe.



## Kətivəa -se 'gü -wun

Pē yaa kē -me -kē =va =gbaənsü -sü -wun bhë, kwa -bha 'se =kəənmə -nu -wo -dho wo 'ko =bhaa 'wo- pō 'wëü- -vuu mliən -vuudo ö -ta 'səədhu (1500) -dhob-ya -deta kö -waan yuö =kēa' =kweə -nu 'dho -a 'ka, =ne polisü 'məbhli -nu 'iin me : 'paan -bho -a -ta -pē plëezé -nu, 'iin pē plëezé 'bhaa -

### 'Wun yaa kē -me -nu =wa kē =va =gbaənsü

nu 'dho -a 'ka, kö kwa -bha 'dhasi -nu yuö kē -dhe -yaa kē -sē 'se 'gü. 'Wun =ne -an =faan' -ya 'gü -sē 'ka a ? Bhii 'wun gbe 'yaa -bin -sü 'ka -me -go. kwa -bha 'dhasi -nu 'wo bhë kwa dhoë- pō =wa wo -ta yö 'segümə -nu -ta 'kun -sü -bha. -A me =plëezé =wa wo -de nu 'wëü -məe

-nu 'gü -sü -dhe, =wa wo -bha yuö -sē bhë =waa- 'tə zë me -nu 'dhi 'fefedhö. 'Wun -nu bhë 'töüdhö -a -wun 'gü, -wo 'wun -nu =bləe' -na =tele -nu 'gü me -nu -ya 'yaan -sü 'ka 'inn -an -zobüö -sü 'ka 'wun kē -kə =suum -bhë -a =gbaannu -sü 'ka -a pō -sü 'ka =neə abi, 'wëü -sü me 'gü -sü bhë -yö 'todhö.

'Kee -a 'wun 'dhö bhë, -a -gə yaa kē -dhö =kun. Bhii 'wun bhë, =ya =bhəə, =ya 'dho 'dhiö =gbaənsü. Kwa kwa -zota =ne me 'ö -dhö do do 'ka, -yö -dho ö -zota -sē 'ka kö -yaan 'wun 'ö -gban kē -pē yaa me -nu -bha -yaan -a =gbaannu -zian =mee' -.

## 'Se 'gla -wun waa - Me =sləə -pē -wun

### 'Wun 'ö -gban 'ku waa- =bee'- -an =suum - -gəa -dedhəzə -bha -lo -sü -bha.

'Ku waa- =bee'- -an =suum -gəa gbegbə =plëezé =wa nu. -Wo an -dhe « -Yavo » me 'ö -an =meebhë -a 'tə 'ka. 'Ku waa- =bee'- -an =suum -nu bhë, -wo -an -zən 'kwi pō- 'wo- dhe Bokanda bhë, -a

pō- do 'wo- -dhe 'pō Tekiklə bhë -a 'gü, -an -bha 'Kumana 'kpii- 'ö mü -a wō 'dhiö. 'Ku waa- =bee'- -an =suum -bhë, bhlöö -ke kē -kəlokota 'wo- -dhe « Akomibla » waa- -zokē bhlöö -yuö -

wun 'piö -me -nu 'wo -an -dhe ANADEE bhë, -wa -ta -an 'gü dan -sü =tei 'ka kē =ne -yö -sē kö -waan -a bə kwa -bha 'Kətivəa pō- 'kpekpe 'gü kö 'kwaan -ta. Kwa kwa -zota =ne yuö bhë -yö -dho kē -sē. -A -

wun 'gü -kwa kwa 'yan kē ziandhö 'Ku =suum - -dëü waa- =bee'- =suum - -dëü bhë -an -gə.


## 'Wun 'ö -gban 'yi kpö 'dhəədə -wun -bha.

'Yi -bha -kē =bhlöezé -sü =bləe' -sü 'gü, 'iin -zokē -a 'piö -sü kö =kun 'ö dho 'yua yö me -bha bhë -a -wun =bləe' -sü bhë yaa kē

'yi 'dhəədə -me 'gü pē gbe 'ka. Bhii -a kē -kə yaa 'wo- pō kē =kun 'ö 'wo- =kēa' bhë, 'waa -dho ma. -A kē kō do 'ö -an -gə 'wo-

-kē -a 'ka -kplawo -binblü. -A -wun 'gü 'yi bhë -saa -dho 'dhəə kwëédhö -sü 'wo- mü bhë -kwaa kē 'slē 'ka, 'kwa 'yi

-ga -sē 'ka 'kwaan -tun -a 'dho -sü -bha. -Kwa -ya kwa 'yaan -a -wun 'gü.



## 'Kpongtaadhe -wun

'Wun -bho 'koukëmè do 'yö go =Mleken -se 'gü, 'wo- -dhe Neilü, yö -blëezë 'ö dho 'su, 'iin 'yö -ta 'su -ta. Gœon- bhë =ya ö -naa yö ö -bha wunbhome -bha =gbaøsü bhii -a -bha wunbhome =ya -a -goa -wun 'ö- -kan bhë -a 'dhœðo 'wëü- -vuu mliøn do waa- 'wëü- -vuu

### Wun 'ö- =sønnng' -yö -kë -ne 'sëng 'dhœ =sønnng' dhö.

=kënng do ö -kø 'slado 'ka -a tii. Wun bhë -a 'dhœðo -gen 'ö tœ, 'wundøme =va 'ö- =zœan gbe 'yaa -dhö 'kpongtaa, -a -bha wun -mü. =Ya 'go mü, 'wundøme =va bhë, 'yaa nu -na gbo yaan ö -bha wun bho bhë, kö ö -bha me -nu 'wo nu -na ö 'piö wun bho =dhia bhë, =ya -

an bho 'piö. =ya 'go mü 'zü, me 'bhaa 'yö -kë 'tøme =vava -nu 'wo -kë =ne diønn Kenedi -nu 'dhö, 'inn Eloa Plesüle, 'iin 'zü 'sgø 'wo- -dhe Søngdesü -an -bha -gludë 'kpii- dhö, waa- Napoleon 'dhö 'kpongtaa -yö kë -an -bha wun =mee'- -sü 'gü kö -yaan -an 'kpo 'koë- ö -

bha pë -nu -kpo 'koë- -dhe -bha.

Wø =suum -bhë -yö -dhidaazë 'yö ö -deta 'kpongtaa. 'Kee me 'bhaa -nu -wo -dhö 'kpongtaa 'wo 'wëü- 'gü =siö- 'waawa. Wø =suum -ne -më -wun 'kwa dhoë- =blëe'- -a -bha -e ?

## 'Wun 'ö-gban -potaasü-wun -bha.

### 'Pue- =yua'

-Püö me -ta 'yua 'wo- -dhe 'pue- bhë, -yö me -kë -kø -klë =ε ? Pë 'ö me =plëezë -wa pö -be 'ö ga me =plëezë 'gü 'ö tœ 'pue- bhë, 'piigbeedhe 'bhaa, 'iin =faan' 'bhaa 'ö -gen yaa 'go 'kpongtaa -zö -a =koä' -pë -mü. 'yua bhë =waa- pö 'kwiwo 'gü epilepsi bhë, 'to bhë -yö -go -wo 'wo- -dhe 'glekø bhë -a 'gü, -wa -dhe epilepsia, -a -gen 'ö tœ 'kozë mea -sü. 'Yua bhë, -a =dhee bhë, -yö -kë =ne Kulan -bha me 'kun -sü 'ö- -bha 'piigbeedhe 'dho me =zonng' -na bhë -a 'dhö. -Kwaa =tei do =ne 'piigbeedhe =suum -

'bhaa -yö kwa 'gü =ne Kulang 'dhö, pë bhë -a -bha =faan' =gbannu -sü 'zodhö 'yö bøa me -ténnggë 'gü 'bladhö bhë 'yö 'gü -wun 'dhö -mü. =Ya kë 'yö me -bha 'wun -bhokoüdødhe kun me -go, 'iin 'yö me -zuö sia-, 'yö me =Zaanzan 'begbe 'ka.

=Ya kë me 'bhaa -nu -bha 'ka, -a -bha -nu me -ta 'töng 'ö tœ 'töng 'ö 'wun 'gbee 'bhaa -nu 'dhö kë -na -a -me 'ka, 'iin -a 'yaan, =ne 'tan -bha -we -a me 'tøødhö 'gbee- -sü televisiøn -ga =duö -sü, waa- 'siö -bha -kan -a -me 'glu -sü, 'iin yi -

bha -kan -a me 'yëng -sü, pë -nu 'wo bhë 'töødhö -wa -kë 'ö 'yua bhë 'yö nu -a me -ta kplawo. 'Yua bhë -a -bøa -ta 'ö tœ me fei bo -dhe 'yö 'dho -na me -go 'gü bhë -a -dhe -bha -kë -a -bha -sü, 'ö 'waa mœ 'koë, 'iin me bun -dhe 'bhaa -bha -bhla -sü -yö -mœa -yö yuö kë me -ténnggë 'ka =ne -kø bhë -a 'dhö. -A yua bhë -wo -mœa kë -wa -dhækë. 'Kee kö 'yua -me bhë =ya ö -bha =blëedhe 'sü =naa' 'ka -kplawo. =Ya kë 'dhö 'yua -bhë yaa 'dhö nu -a -ta gbo.

## Bhø -sü =plëezë

=Dëe -yi 'kwa- 'ka =ne, -Zlan -kø -nu -wo wo -dødhe 'sü -na 'wun 'ö -gban -potaasü 'ö -gban gœon- -nu waa- dhoonu -an song -wun -bha bhë -a 'gü. -Yö -kë metii 'se 'pian me 'wo flanse 'kwi wo pö -a -ta bhë -an -bha -yakoë do -ta. Katilikö -nu -bha me 'gblöögblö -nu -wo -dø 'yëng me 'ö me -lü -bha 'në 'kpo -sü bhë, 'ö 'yaa -an -dhe -së bhë -an -go. 'Ö 'wo- pö me -lü -bha 'kpo -sü waa- -a =bhëe -sü bhë -yö pë 'ö =bhlë -zë -a 'ka. -Yö pë 'ö me

### -Badhongzuõme -nu.

dhoë- =bhlë -ya -a 'ka. Pë 'ö me dho -a bho 'gbloo '-waan -a =sië'- -køa 'yaa -mü.

=Ya 'gomü, 'gu -bho -mea -sü -nu, dhebo -bha 'në 'kpo -sü =gbaannu -sü, 'wo- kë -na kwa -bha 'kwi -pö -nu, 'iin pö- gia- -nu, waa 'kølöödhe -nu -bha bhë, 'waa me -bha -kë =bhlë -zë -sü bhë -a -zøn -sü 'ka -a 'kpokpo metii -se 'gü zö. 'Iin kwa -bha -Zlan dø -sü bhë, 'yaa -zøn -së -pë 'ka. Kwa -bha metii 'se 'ö =ne -a 'gla -pë -së yö kun 'ö bhë. -

A 'gla -pë -dho bø kwa -bha me 'kun -wun -nu 'wo bhë, -a -go =mee' -sü, 'fee -dho sea- -pë -nu =mee' -sü, me -nu -bha 'wëü- =kaan -sü -nu 'iin =flüü -pë -sü me 'gü -sü -nu, =gluin yaa -kë 'koë- -sü -nu 'wo kwa -go metii -se 'gü bhë, 'kwa dho zian =mee'- kö 'kwa- -a =gbaannu.

Ka -bha -zotadhe -nu 'wo tœ -më 'wun 'wo =ne -an 'pa =taa =ε ?

## 'Yee -wun

Gœon- do bhë, -yö kë bu -blükëmè 'ka, 'Yö dho 'töng do 'ka -büö -da =dhia 'ö gbö -dhe 'kwi =plöö. -A -bha -wo 'kwi =plöö -sü -blëezë =ne 'ö

dhoë 'dhö bhë. Gœon- bhë -dhe =ya 'po, =tele bø -sü zü =ya dø, -a -ga -sü 'ö =yaa 'sü =ne, -bhöpë 'yö -bho -a 'dhiö. =Dhe 'ö -dho plöö -yi 'dhö 'to -na

'tee, 'ö- gbö -ya -bha 'blükë -bu -dëü do dho 'yö -nu -a -dhe. 'Ö- dø ö -wodhe =bhaa. Yi do 'ka =dhe 'ö- gbö -yö dho yuö 'dhiö, 'në -nu =wa 'dho

=klang' 'dhiö ; -a gbö bøø 'ö wo -nu 'wo to bhë, -yö -bhöpë -kpa =dhia. =Tele -ga me 'ö dhoë -wo zlöö bhë, -dhe 'ö- -ga kö =zloo gøn =va bhë, =ya -wo -a

'dhiö =tele 'gü -gaan dhö.  
'yö =luu- 'wa -sléedhö ,  
bu 'ö =sia, 'yö- sü, 'yö nuë  
kö 'yaan -dëü -dhə 'gü

dan =zloo -bha.  
=Kwəesëme -kə dhə 'siö- -  
zë -mü. -A bu 'sü -sü,  
'böü, kö bu =ya 'we =zloo

waa =tele -an -bha. -  
Venng, =tele =ya 'kan  
'koë-, 'këe 'yaa -kpën -na  
=zloo =glöö -bha.

Kese Alüfənsë

## -Piën

<<=Nëng' -gen -viin 'yaa də. >>

-Piën 'ö kwa -mə -nu  
'dhoë- bə -na bhë, -wa -kë  
'dhö kö -yö kë kwa -zo -büö  
-pë 'ka. 'Töng 'kwa dəa =nə,  
-yö 'töng yaa giagia 'ka,  
'wun -sü -dhə 'yaa mü  
=gbeen.

-Dadhëü do -yö -go ö -go  
plöö 'ö -kë 'dho =dhia pö-  
gbe 'gü. =Dhə =ya ziö 'siödhə

do -bha, 'ö -kpën mə do 'ö  
'bhlaa 'dhoë- -go -a -bha.  
'wo 'ta su wo 'koë -së 'ka  
'wo dhoë. Wo 'to 'wo- to kö  
mə -nu -wo =gblaagbla -na  
'gbee- 'ka wo =woë' =nə :  
« =kwaan -mə, =kwaan -  
mə », kö -bla -mə -nu =wa -  
lo 'saadhö. -A 'ta 'yoo 'ö  
'bhla -yö -kë -a -gə =sia, kö

=ya ziö -bla 'ka, =ya 'bhlaa  
'to sia. 'Ö -dadħëü 'në bhë  
'wo- kun, 'wo- -ma, 'wo  
dhoë =zang -nu 'dhiö 'kwi  
=plöö. =Zang -nu -de 'pö,  
'wo dhoë 'Zusü =plöö (zadə  
'go 'koadħö). Za də -yi 'ka, 'ö  
zadə 'go 'wo- -dhə 'kwiwo  
'gü 'Zusü bhë 'yö- pö -  
dadħöü 'në bhë -a -dhë, -

më -kë 'ö waa 'bhlaa  
=kwaan -mə 'wo -ta wo 'koë  
ε ? -A -wun 'gü 'wo -kwə  
'səħħdu (5) -kanso nu -a  
dhë.

( =nëng' -gen -viin -giagia  
'yaa də)

Kese Alüfənsë

## 'Wun -taə

1)- 'Sëēdhe -be 'në -nu 'ö -an -yö plaan -sü 'yaa =gbeen gbo 'wo =nə :

- 1) " **Yesu Klito təɔ 'kpongtaame -nu Dhame "**
- 2) **Yesu 'Klito -bha mə =daan' -wo -nu**
- 3) -A mə 'ö -gban 'Lükia -bha mə kë kə waa- -a 'dhə kë -kə -bha 'Wo- -dhə : =Göö- waa- 'lükia
- 4) **'Yua =plëēzë waa- ö 'dhə kë -kə -nu**


2)-

-kwa -Zlan zuö pö =va 'wun  
-nu 'ö- kë -na kwa -go 'se 'gü 'töng  
-kaanta 'kwa- 'gü =nə -a 'ka bhë -a -  
wun 'gü. Yi =klang' 'ö -gban =zuö'  
'gü bhüö -dheboko -bha -a -wun -  
blee 'segümə 'kpekpə -dhë. -A  
=klang' 'dhö bhë, =waa- kë 'saadhö

=ya yën. Mə -nu -wo -kë -a -ta =va,  
'yö- 'yi -kan mə 'dhi giagiawo. -  
Kwa -Zlan zuöpö mə -nu 'wo wo -de  
nu =klang' bhë, 'wo mə -nu =daan- -  
a 'ka bhë -a -wun 'gü, 'iin 'zü mə -  
nu 'wo go wo =plöö dodo 'ka =klang'  
bhë -a -ta bhë -an -wun 'gü. Pë -

nu 'wo- =daan =klang' bhë -a -ta  
bhë, -wo -dhö -a -da yuö 'piö -dëü  
=nə, kö mə -nu 'ö 'wun 'gbee- -yö -  
kë -an 'ka, 'ö =wa -gi wo =zuö' 'gü -  
glu 'töng 'ö 'kwa- dəa =nə -a 'ka.

Pë 'bin =ple 'wo =nə -wo -bhə wo 'koë- 'këe -a do =zaadhe 'sleaga -ya -bha -an =mee'



'Ka

yën 'sëēdhe =nə -a pö -sü -bha -ka ka -bha -zotadhe -nu bə yi -dhë. Yi 'yan -yö ka -bha 'sëēdhe -nu -go.

Mə -nu 'wo 'sëēdhe 'ö =nə -a =bəen -an 'tə 'wo =nə Sai Zoziasü, -Kese Möyan, Zafe 'Dħoġbō, Valangten  
Vidrinö waa- Edħena Pedħekwalösökaya 'wo go Lusi -se 'gü 'ö yöe Hanesü 'ö go suisü -a -bha.

Yi -bha 'sëēdhe kë -dhë 'nimlo 'ö =nə : SIL 08 BP 857 Abidjan 08 Tel : 22 43 12 72